

ქონების და მასთან დაკავშირებული რისკების დაზღვევის ხელშეკრულების საინფორმაციო ფურცელი

1. მზღვეველის შესახებ ინფორმაცია:

- ❖ სს „ბზ დაზღვევა“ (საიდენტიფიკაციო კოდი 406232214, იურიდიული და ფაქტიური მისამართი: საქართველო, თბილისი, ქეთევან წამებულის გამზ. #1.)
- ❖ წინამდებარე დოკუმენტი წარმოადგენს სს „ბზ დაზღვევის“ მიერ შემუშავებული ქონების და მასთან დაკავშირებული რისკების დაზღვევის ხელშეკრულების საინფორმაციო ფურცელს.

2. ქონების და მასთან დაკავშირებული რისკების დაზღვევის ხელშეკრულებით დაფარული რისკებია:

2.1. დაფარვა A – ხანძარი, მეხის დაცემა, აფეთქება, საჰაერო ხომალდის ან მისი ნაწილის დაცემა.

2.2. დაფარვა B - შტორმი, ქარიშხალი, გრიგალი, წყალდიდობა, სეტყვა

2.3. დაფარვა C - წყალგაყვანილობის და სადრენაჟო სისტემიდან გამონადენი წყლით დაზიანება; წყლის, ზეთის ან ნავთობის ქვაბებიდან ან მილებიდან ამოხეთქვა ან გამოჟონვა

2.3.1. დაფარვა C1 - დაზიანებული წყალგაყვანილობის სისტემის აღდგენა

2.4. დაფარვა D - მიწისძვრა და მიწისქვეშა ცეცხლის მოქმედება, შეჯახება

2.5. დაფარვა E - დაზღვეული ქონების ექსპლუატაციის შედეგად მესამე პირთა წინაშე წარმოშობილი პასუხისმგებლობის დაზღვევა. ამასთან, აღნიშნული დაფარვა მოქმედებს მხოლოდ წყალგაყვანილობის და სადრენაჟო სისტემებიდან გამონადენი წყლის, ქვაბებიდან ან მილებიდან წყლის ამოხეთქვა ან გამოჟონვის, ხანძრის და აფეთქების რისკებზე.

2.6. დაფარვა F - მესამე პირთა მართლსაწინააღმდეგო ქმედება (ქურდობა, ძარცვა, ყაჩაღობა).

3. სადაზღვევო დაფარვის პირობები:

საინფორმაციო ფურცელის მე-2 პუნქტში მითითებული დაფარული რისკებით გამოწვეული სადაზღვევო შემთხვევის დადგომის დროს შესაბამისი გამონაკლისების გათვალისწინებით დაზღვევის ხელშეკრულების პირობების (დაფარვები და გამონაკლისები) შესაბამისად მზღვეველს წარმოემოხება სადაზღვევო ანაზღაურების გაცემის ვალდებულება, რაც განსაზღვრულია „ქონების და მასთან დაკავშირებული რისკების დაზღვევის არსებით პირობებში“ (ხელშეკრულების დანართი #3) .

4. დაზღვევით შეთავაზებული პირობები:

უპირობო ფრანშიზა უძრავი ქონების დაზღვევის შემთხვევაში	
ნაწილობრივი ზიანის შემთხვევაში, თითოეულ სადაზღვევო შემთხვევისთვის	ზარალის 5% არანაკლებ 300.00 USD
სრული ზარალის ან მიწისძვრის შემთხვევაში	სადაზღვევო თანხის 5%

უპირობო ფრანშიზა დაზღვეული ქონების ექსპლუატაციის შედეგად მესამე პირთა წინაშე წარმოშობილი პასუხისმგებლობის დაზღვევის შემთხვევაში	0
---	---

უპირობო ფრანშიზა ქონების შიდა მოპირკეთების (რემონტის) დაზღვევის შემთხვევაში	
შიდა მოპირკეთების დაზიანების შემთხვევაში	ზარალის 5% არანაკლებ 100.00 ლარი
ავეჯისა და საყოფაცხოვრებო ტექნიკის დაზიანების შემთხვევაში	თითოეულ სადაზღვევო შემთხვევისთვის 150.00 ლარი

სადაზღვევო თანხის მაქსიმალური ლიმიტი ქონების შიდა მოპირკეთების (რემონტის) დაზღვევის შემთხვევაში	
ექნიკისა და ავეჯის დაზღვევის შემთხვევაში	15,000.00 ლარი
წყალგაყვანილობის სისტემის დაზღვევის შემთხვევაში	3,000.00 ლარი

სადაზღვევო თანხის მაქსიმალური ლიმიტები დაზღვეული ქონების ექსპლუატაციის შედეგად მესამე პირთა წინაშე წარმოშობილი პასუხისმგებლობის დაზღვევის შემთხვევაში	10,000.00 ლარი	15,000.00 ლარი	20,000.00 ლარი
---	----------------	----------------	----------------

5. სადაზღვევო ანაზღაურების გაცემის წესი და ვადები

5.1. სადაზღვევო შემთხვევის დადგომიდან არაუგვიანეს 24 საათისა, მომხმარებელი ვალდებულია ამის შესახებ აცნობოს მზღვევლს ქოლ-ცენტრს/სატელეფონო ცენტრს სადაზღვევო ხელშეკრულებაში/პოლისში მითითებულ ნომერზე, ხოლო შემთხვევის დადგომიდან 30 (ოცდაათი) დღის განმავლობაში წერილობითი ფორმით გაუგზავნოს შეტყობინება სადაზღვევო შემთხვევის შესახებ, მიაწოდოს ანაზღაურებისთვის საჭირო ყველა დოკუმენტაცია და მოითხოვოს სადაზღვევო ანაზღაურების გაცემა. თავის მხრივ, მზღვეველი ვალდებულია ანაზღაურების გაცემისთვის საჭირო ყველა დოკუმენტის მიღებიდან და სადაზღვევო შემთხვევის აქტის მხარეთა მიერ ხელმოწერიდან 30 (ოცდაათი) დღის ვადაში გასცეს სადაზღვევო ანაზღაურება.

5.2. სადაზღვევო ანაზღაურების გაცემა ხორციელდება უნაღდო ანგარიშსწორების წესით, მომხმარებლის მიერ მითითებულ ანგარიშზე თანხის ჩარიცხვის გზით.

6. პრემიის გარდა, მომხმარებლის მიერ ნებისმიერი სხვა ფინანსური ხარჯის გაწევის წინაპირობები, ოდენობა და წესი:

❖ იმ შემთხვევაში, თუ მზღვეველი და დამზღვევე ვერ შეთანხმდებიან ზარალის საბოლოო ოდენობაზე, ზარალის შეფასება მოხდება დამოუკიდებელი ექსპერტის მეშვეობით. ამასთან, ზარალის შეფასებაზე გასაწევი ხარჯების რეგულირების საკითხი განისაზღვრება შემდეგნაირად:

ა) იმ შემთხვევაში, თუ შეფასება (ექსპერტიზა) ტარდება მზღვეველის სურვილითა და ინიციატივით, ასეთი შეფასებაზე გასაწევ ხარჯებს ფარავს მზღვეველი;

ბ) იმ შემთხვევაში, თუ შეფასება (ექსპერტიზა) ტარდება დამზღვევის სურვილითა და ინიციატივით, ასეთი შეფასებაზე გასაწევ ხარჯებს ფარავს დამზღვევე;

გ) იმ შემთხვევაში, თუ შეფასება (ექსპერტიზა) ტარდება მზღვეველისა და დამზღვევის ერთობლივი გადაწყვეტილებით, ასეთი შეფასებაზე გასაწევ ხარჯები თანაბრად ნაწილდება მზღვეველსა და დამზღვევს შორის.

7. შემთხვევები, რომლებიც არ ექვემდებარება ანაზღაურებას მოცემულია „ქონების და მასთან დაკავშირებული რისკების დაზღვევის არსებით პირობებში“, კერძოდ მე-3 მუხლსა და 1-ლი მუხლის 1.5. პუნქტში;

კერძოდ, დაზღვევით არ იფარება ზარალი, რომელიც დადგა ან შედეგია (საერთო გამონაკლისები):

- ✓ დეფექტური ან დაზიანებული მასალისაგან ან ხელობისათვის დამახასიათებელი ფარული ნაკლით, პერმანენტული გაუარესებით, ბუნებრივი ცვლით, დეფორმაციით.
- ✓ გაფიცვა ან სამოქალაქო მღელვარება, თუ დაზღვევის პოლისით არ არის განსაზღვრული.
- ✓ ტერორიზმის, ომის, საომარი მოქმედებების, მტრული მოქმედებების (მნიშვნელობა არა აქვს ომი გამოცხადებულია თუ არა ოფიციალურად) - სამოქალაქო ომი, აჯანყება, რევოლუცია, სამხედრო ან უზურპირებული ძალაუფლება.
- ✓ რადიაციის ან რადიოაქტიური დაზიანებებით.
- ✓ რადიოაქტიური, ტოქსიკური ფეთქებადი და სხვა საშიში ნივთიერებებით.
- ✓ დამზღვევის ან დაზღვეულის განზრახი ქმედებით, უხეში გაუფრთხილებლობით ან დაუდევრობით.
- ✓ ზიანი და დანაკარგი გამოწვეული პირდაპირ ან არაპირდაპირ დამზღვევის/დაზღვეულის ან მისი უფლებამოსილი პირის ქმედებით.
- ✓ ნაღდი ფული, აქციები, ობლიგაციები და სხვა ფასიანი ქაღალდები, ხელნაწერები, ფოტოსურათები, ნეგატივები, სქემები, ნახაზები და სხვა დოკუმენტები, ბუღალტრული, საქმიანი წიგნები და მასში არსებული ინფორმაცია;
- ✓ მოდელები, მაკეტები, ნიმუშები, ფორმები და ა.შ;
- ✓ ძვირფასი ლითონის ნაკეთობანი; ძვირფასი, ნახევრადძვირფასი და სანაკეთო ქვები; ძვირფასი და იშვიათი ლითონები მავთულის, ზოდის, ქვიშის, თვითნაზადი სახით და

- მვირფასი ქვები დამუშავების და მოჭედვის გარეშე; ანტიკვარიატი, მათ შორის ავეჯი, რომლის ასაკი აღემატება 50 წელს, მარკების, მონეტების, ფულადი ნიშნების, და სხვა სახის კოლექცია, ასევე ნახატები, სურათები, სკულპტურები და სხვა ხელოვნების ნიმუშები;
- ✓ კომპიუტერისა და სხვა სახის ანალოგიურ სისტემებში არსებული ტექნიკური საინფორმაციო საშუალებები (მაგნიტური ბლოკი, მაგნიტური ლენტა, საინფორმაციო ბლოკი და სხვა) და ინფორმაციის სხვა მატარებლები; კომპიუტერული პროგრამები, ელექტროინფორმაციის დროებითი შენახვის და გადატანის საშუალებები (დისკები, კასეტები, მეხსიერების ბარათები და ა.შ.);
 - ✓ საბრძოლო მასალა და სარეწი იარაღები, ფეთქებადი ნივთიერებები; გადამცემი და გამანაწილებელი ხაზები;
 - ✓ ცხოველები; ფრინველები; ნარგავები, მარცვლოვანი კულტურები; ავტო-სატრანსპორტო საშუალებები;
 - ✓ ანძები, ანტენები, ღია ელექტრომავთულები, ტენტები და სხვა შენობა/ნაგებობის გარეთა მხარეს მდებარე ქონება (აღნიშნული გამონაკლისი არ ეხება შენობა ნაგებობის გარეთ დამონტაჟებულ გათბობა/გაგრილების სისტემებს);
 - ✓ კვების პროდუქტები;
 - ✓ ქონება, რომელიც მდებარეობს დაზღვეულ ტერიტორიაზე, მაგრამ არ ეკუთვნის დამზღვევს და არ არის მითითებული პოლისი - ხელშკრულების შესაბამის დანართში;
 - ✓ დაზღვეულად არ ჩაითვლება ის შენობები და ნაგებობები, ასევე იქ განთავსებული ქონება თუ კომპეტენტური სახელმწიფო ორგანოების მიერ აღიარებულია ავარიულად;
 - ✓ ქონება, რომელიც არ გამოიყენება საყოფაცხოვრებო მიზნით; ავტო-ფარები, ფარდული, საცურაო აუზი, ბაღი, ღობეები, ჭიშკარი, საცხოვრებელ სახლში მეზობლების საერთო სარგებლობაში მყოფი ქონება, სამეურნეო ნაგებობი ან ნებისმიერი ნაგებობა, რომელიც არ არის განკუთვნილი საცხოვრებლად;
 - ✓ მხატვრულად დამუშავებული მინები;
 - ✓ საყოფაცხოვრებო ნივთები, რომელთა ასაკი აღემატება 8 წელს;
 - ✓ დაზღვევას არ ექვემდებარება ისეთი ქონება, რომლის აშენების წელი არის 1955 წელი ან მანამდე პერიოდი. ამასთან, მზღვეველის ვებ. გვერდის საშუალებით (<https://www.bbinsurance.ge>) სადაზღვევო პროდუქტის შეძენის შემთხვევაში, დაზღვევას არ ექვემდებარება ისეთი საცხოვრებელ კორპუსებში განთავსებული საცხოვრებელი ფართები (ბინები), რომლის აშენების წელი არის 2000 წელი ან ნაკლები..
 - ✓ ზიანი, დანაკარგი ან პასუხისმგებლობა, რომელიც დადგა დამზღვევის ან მისი კონტრაქტორის მიერ სამშენებლო ან/და სარეაბილიტაციო სამუშაოების განხორციელების დროს დაზღვეულ შენობაზე;
 - ✓ ზარალი ან დანაკარგი გამოწვეული დაზინძურებით (თუ სხვაგვარად არ არის დაშვებული გამონაკლისი), გარდა იმ შემთხვევისა:
 - ა) თუ დაზინძურება გამოწვეულია მოულოდნელად, დაზღვეული შემთხვევის შედეგად;
 - ბ) დაზინძურების შედეგად დამდგარი ისეთი შემთხვევა/რისკი, რომელიც წინამდებარე დაზღვევით დაზღვეულია.

- ✓ ყველანაირი შედეგობრივი ზიანი ან დანაკარგი, მათ შორის და არა მხოლოდ: შემოსავლების დაკარგვა, დანაკარგი გამოწვეული დაგვიანებით, დანაკარგი გამოწვეული ბაზრის წილის დაკარგვით.
- ✓ დაზღვევის პერიოდში დაზღვეული შენობ(ებ)ის 6 კვირის მიტოვების შემთხვევაში დაზღვევა ჩაითვლება შეწყვეტილად, სანამ შენობ(ებ)ი დაუკავებელი იქნება, თუ სპეციალურად სხვა რამ არ შეთანხმდება.
- ✓ ანაზღაურებას არ ექვემდებარება ქმედება, რომელიც საქართველოს მოქმედი კანონმდებლობის თანახმად მზღვეველს უფლებამოსილებას ანიჭებს უარი თქვას სადაზღვევო ანაზღაურებაზე.
- ✓ ხარჯები რომელიც დაკავშირებულია: არქიტექტორების, ექსპერტების, ინჟინერ კონსულტანტების მოწვევასთან, ნარჩენებისგან გასაფუთავებასთან, რომელიც შესაძლოა მოყვეს სადაზღვევო შემთხვევას
- ✓ სამაცივრე საწყობებში შენახულ მარაგებზე დამდგარი ზიანი, რომელიც გამოიწვია ტემპერატურის ცვლილებამ.
- ✓ საქონლის გაფუჭებით დამდგარი ზიანი ან დანაკარგი, რომელიც შესაძლოა შედეგი იყოს ნებისმიერი პროცესის შეფერხების, შეჩერების, შეწყვეტის, მიუხედავად იმისა, აღნიშნული მოხდა თუ არა დაზღვეული რისკის შედეგად.
- ✓ მესამე პირის მართლსაწინააღმდეგო ქმედებით (მათ შორის, ქურდობით, ძარცვით ან ყაჩაღობით) გამოწვეული შემთხვევები;
- ✓ თუ დამზღვევმა დაარღვია ქონების და მასთან დაკავშირებული რისკების დაზღვევის ხელშეკრულების დანართი #3-ის 5.1. პუნქტის მე-3 ქვეპუნქტის მოთხოვნები.
- ✓ დაზღვეული ქონების ექსპლუატაციის შედეგად მესამე პირთა წინაშე წარმოშობილი პასუხისმგებლობის დაზღვევის (დაფარვა E) დაფარვის შემთხვევაში ანაზღაურებას არ დაექვემდებარება დამატებით შემდეგი შემთხვევები:
- ✓ სხეულის ან ქონების ზიანი, რომელიც მოსალოდნელია დაზღვეულის თვალთახედვით ან მან ასეთი განზრახ გამოიწვია. ეს გამონაკლისი არ ვრცელდება სხეულის ისეთ ზიანზე, რომელიც გამომდინარეობს ადამიანების ან ქონების დაცვის მიზნით გონივრულობის ფარგლებში განხორციელებული ქმედებების შედეგად.
- ✓ ისეთი პასუხისმგებლობისა, რომელიც ნაკისრია დამზღვევის საქმიანობასთან დაკავშირებული სხვა ნებისმიერი ხელშეკრულების ან შეთანხმების იმ ნაწილით, რომლითაც იგი კისრულობს სხვა პირის დელიქტური პასუხისმგებლობის დადგომით მესამე პირთა სხეულის ან ქონების ზიანის ანაზღაურებას, იმ პირობით, თუ სხეულის ან ქონების ზიანი დგება ასეთი ხელშეკრულების ან შეთანხმების აღსრულების შედეგად.
- ✓ ომი, ტერორიზმი - ყველანაირი პასუხისმგებლობა დამდგარი შემდეგი შემთხვევების შედეგად, მიუხედავად სხვა მიზეზისა ან თანმდევი შედეგობრივი შემთხვევისა.
 - ა) ომის შედეგად დამდგარი ზიანი, დაპყრობა, მტრის მოქმედებები, მტრული მდგომარეობა, (მიუხედავად იმისა ომი ოფიციალურად გამოცხადებულია თუ არა), სამოქალაქო ომი, რევოლუცია, აჯანყება, სამხედრო ან უზურპირებული ძალის მოქმედება, კონფისკაცია, ნაციონალიზაცია, ქონების ჩამორთმევა, სახელმწიფო ან სხვა ადგილობრივი ორგანოს განკარგულებით დაზიანებული ან განადგურებული ქონება.

ბ) ტერორიზმით ან სხვა ძალადობის ქმედებით დამდგარი ზიანი.

- ✓ მიადგა რომელიმე დაზღვეულს;
- ✓ მიადგა პირს, რომელიც დაქირავებულია დამზღვევის ან მისი მეიჯარეებს სახელით სამუშაოს შესასრულებლად;
- ✓ მიადგა პირს, რომელიც დაზიანდა დამზღვევის საკუთრებაში ან მფლობელობაში არსებული უძრავი ქონების იმ ნაწილზე, რომელიც აღნიშნულ პირს ჩვეულებრივ აქვს დაკავებული;
- ✓ მიადგა პირს, მიუხედავად იმისა, წარმოადგენს, თუ - არა იგი დამზღვევის დასაქმებულს, თუკი სხეულის ზიანისთვის სარგებელი გადაიხდება ან უნდა იქნას გადახდილი უმუშევართა სოციალური დაცვის, შრომისუნარობის გამო დახმარების დანიშვნისა და გაცემის წესის ან სხვა მსგავსი კანონმდებლობის საფუძველზე.
- ✓ მიადგა პირს, რომელიც დაზიანდა სპორტულ აქტივობებში მონაწილეობისას.
- ✓ საქართველოს ფარგლებს გარეთ/სამედიცინო მკურნალობისათვის გაღებული ხარჯები;
- ✓ დამქირავებლის პასუხისმგებლობა - სამუშაო პროცესის დროს დამზღვევის დაქირავებული პირების სიცოცხლეზე, ჯანმრთელობაზე ან ქონებაზე დამდგარი ზიანი.
- ✓ წმინდა ფინანსური ზარალი - პასუხისმგებლობა, რომელიც არ გამომდინარეობს სხეულის ან ქონების დაზიანებისაგან.
- ✓ ნებისმიერი სატრანსპორტო საშუალებების გამოყენების, ფლობის ან მათი მართვის შედეგად დამდგარი ზიანი.
- ✓ ფიზიკური ან კანონიერი კონტროლის ქვეშ არსებული ქონება. დამზღვევის საკუთრებაში ან ფიზიკურ ან კანონიერ მფლობელობაში არსებული ქონება, გარდა ქონებისა რომელიც დამზღვევს იჯარით ან ლიზინგით აქვს აღებული. გამონაკლისი
- ✓ არ ვრცელდება შემდეგი სახის ქონების დაზიანებაზე: დამზღვევის მიერ დაქირავებულის პირადი ნივთები და მათი ავტომობილები;
- ✓ მუშაობის პროცესში მყოფი ქონება - იმ ქონების ან მისი ნაწილის დაზიანება, რომელზეც დამზღვევი მუშაობდა, და ქონება დაზიანდა ამ მიზეზით.
- ✓ დაბალი ხარისხის სამუშაოები - დამზღვევის მიერ შესრულებული დაბალი ხარისხის სამუშაოს დასრულების, შესწორების ან გაუმჯობესების ხარჯები.
- ✓ პროდუქტების დაზიანება - თუ ასეთი ზიანი გამოწვეულია მათი დეფექტით, დამაზიანებელი თვისებებით ან მათი უვარგისობით.
- ✓ პროდუქტების დაბრუნება - ამოღებული, უკან დაბრუნებული, შემოწმებული, შეკეთებული, შეთავსებული, შეცვლილი დაკარგული პროდუქტის დაბრუნების ან ამასთან დაკავშირებული სხვა ხარჯები და აქედან გამომდინარე პასუხისმგებლობა.
- ✓ პროდუქტებზე პასუხისმგებლობა, პროდუქტების გარანტია - დამზღვევის ან მის დაქვემდებარებაში მყოფი პირის მიერ პროდუქტებზე გაცემული გარანტია და მასთან დაკავშირებული პასუხისმგებლობა.
- ✓ პროფესიული პასუხისმგებლობა - დამზღვევის მიერ პროფესიული რჩევა ან მომსახურების არასწორი გაწევა, ან ამდაგვართან დაკავშირებული სხვა სახის შეცდომები.
- ✓ დიზაინი, სპეციფიკაციები, ფორმულა - დამზღვევის მიერ მიწოდებული ნებისმიერი

- ✓ დიზაინი, გეგმა, სპეციფიკაცია, ფორმულა ან ნივთიერება, ან მასთან დაკავშირებული შეცდომა.
- ✓ სადამსჯელო ან საჩვენებელი ხარჯები, ჯარიმები - ყველა სახის ჯარიმები, საჩვენებელი, სადამსჯელო, ლიკვიდირებული ან გაზრდილი ხარჯები.
- ✓ საზღვაო ხომალდი, საჰაერო ხომალდი, სხვა ხომალდი - ქონების ან სხეულის დაზიანება, რომელიც დაკავშირებულია დამზღვევის ან მისი სახელით მოქმედი პირის მიერ შემდეგი ობიექტების მფლობელობასთან, გამოყენებასთან, შენარჩუნებასთან, მუშაობასთან, კანონიერ განკარგვასთან, ჩატვირთვასთან ან გადმოტვირთვასთან:
- ✓ საწყალოსნო ან სხვა ხომალდი;
- ✓ საჰაერო ხომალდი, ნებისმიერი ქონება, რომელიც გამოიყენება აეროპორტისათვის ან საჰაერო ხომალდის დასაჯდომად;
- ✓ დამზღვევის ნივთები, რომლებიც დამონტაჟებულია საჰაერო ხომალდზე ან სხვა სახის საჰაერო მოწყობილობაზე;
- ✓ რკინიგზა, ტრამვაი, საბაგირო;
- ✓ გასართობი პარკები და დანადგარები, სტადიონები და სტენდები;
- ✓ სათხილამურო კურორტები;
- ✓ ნარჩენების გადამუშავება.
- ✓ ასბესტი - ასბესტით, ასბესტის ნივთიერებებით და ასბესტის ნივთიერებების შემცველი პროდუქტებისგან წარმოქმნილი პირდაპირი ან არაპირდაპირი ზიანი ან პასუხისმგებლობა.
- ✓ მოტყუება, დადანაშაულება, რეპუტაციის შელახვა - დამზღვევის მიერ გამოქვეყნებული ან სიტყვიერი განზრახ მოტყუება, დადანაშაულება, ან რეპუტაციის შელახვა.
- ✓ სარეკლამო პასუხისმგებლობა -
 - ა) დამზღვევის მიერ უკანონო ან ცრუ ინფორმაციის მიწოდება;
 - ბ) სარეკლამო ხელშეკრულების შეწყვეტა, სარეკლამო იდეების უკანონო მითვისება.
 - გ) რაიმე გაყიდული, გასაყიდი ან სარეკლამო მომსახურებაზე ან საქონლზე, პროდუქტის სავაჭრო ნიშანზე, მომსახურების ნიშანზე ან სავაჭრო სახელზე უფლების დარღვევა ან გადაცემა და სხვა რეკლამასთან დაკავშირებული პასუხისმგებლობა.
- ✓ ყველა სახის რადიოაქტიური დასხივება, მათ შორის:
 - ა) რადიოაქტიური დასხივება ან დაბინძურება გამოწვეული ატომური საწვავის აფეთქების შედეგად ატომური საწვავით ან ატომური მტვერით. აფეთქებაში იგულისხმება ატომური სეგმენტაციის პროცესი.
 - ბ) ატომური იარაღი და მისი ზემოქმედება
- ✓ დაბინძურება:
 - ა) სხეულის ან ქონების დაზიანება გამოწვეული პირდაპირ ან არაპირდაპირ დამაბინძურებელი ნივთიერებების გამოდევნით, გაჟონვით, გადაადგილებით, გაფანტვით, გამოშვებით, ქონებაზე, ხმელეთზე, ატმოსფეროში, ან წყლის ნაკადში (მიწის წყლების ჩათვლით).
 - ბ) სხეულის ან ქონების დაზიანება გამოწვეული პირდაპირ ან არაპირდაპირ დამაბინძურებელი ნივთიერებების გამოდევნით, გაჟონვით, გადაადგილებით,

გაფანტვით, გამოშვებით, გამოწვეული პროდუქტებით, რომლებიც სხვა პირებმა გადააგდეს, მიატოვს, ან უარი თქვას.

გ) დამაზიანებელი ნივთიერებების ამოღების, განადგურების ან გაწმენდის ხარჯები.

დ) დამაზიანებელი ნივთიერებების გაჟონვის თავიდან ასაცილებლად გაწეული ხარჯები.

- ✓ სახელშეკრულებო ვალდებულებების შეუსრულებლობით დამდგარი ზიანი - ყველა სახის პასუხისმგებლობა ან ვალდებულება, რომელიც ეკისრება დამზღვევეს ხელშეკრულებით, გარდა იმ შემთხვევებისა, როდესაც ზიანი მიადგება მესამე პირების ქონებას, სიცოცხლეს და/ან ჯანმრთელობას.
- ✓ თამბაქო ან თამბაქოს ბოლი - თამბაქოს შემცველი პროდუქტების ან თამბაქოს ბოლის შესუნთქვით გამოწვეულ ზიანზე პასუხისმგებლობა.
- ✓ მშენებლობა - მშენებლობასთან დაკავშირებული ნებისმიერი სახის პასუხისმგებლობა.
- ✓ თავდასხმა - სხეულის ან ქონების დაზიანება გამოწვეული პირდაპირ ან არაპირდაპირ დამზღვევის მიერ თავდასხმით.
- ✓ ცვლილება დაზღვევის ობიექტის გამოყენების წესში - ცვლილება დაზღვევის ობიექტის გამოყენების ნებისმიერი არსებითი ცვლილება, რაზეც დამზღვევემ არ შეატყობინა წერილობით მზღვეველს ზიანის დადგომამდე და ეს ცვლილება გახდა ზიანის დადგომის მიზეზი.
- ✓ მართლსაწინააღმდეგო ქმედება - დამზღვევის მიერ ჩადენილი ყალბი, უპატიოსნო, ბოროტული ან კრიმინალური ქმედება.
- ✓ სარგებლობის დაკარგვა - არსებულ დაუზიანებელ ქონებაზე სარგებლობის დაკარგვა.
- ✓ საინფორმაციო ტექნოლოგიების რისკები - ელექტრონული ან ფაქსიმილური ინფორმაციის დაკარგვასთან და მოწყობილობების მიერ არასწორ აღქმასთან დაკავშირებული რისკები.

დაზღვევას არ ექვემდებარება და შესაბამისად მზღვეველი არ არის პასუხისმგებელი შემდეგი სახის ქონების დაზიანებაზე:

- ✓ ფული, ქვითრები, მარკები, ობლიგაციები, ფასიანი ქაღალდები, საკრედიტო ბარათები, ძვირფასეულობა, ძვირფასი ქვები, ძვირფასი მეტალები, ძვირფასი ბეწვეული, იშვიათი და ექსკლუზიური ნივთები, იშვიათი წიგნები ან ხელოვნების ნიმუშები, მედლები, დოკუმენტები თუ ისინი სპეციალურად არ არის მითითებული დაზღვევის პოლისში და იზღვევა მხოლოდ შემდეგი რისკებისაგან: ხანძარი, მეხის დაცემა, აფეთქება, საჰაერო ხომალდის ან მისი ნაწილების დაცემა, შეჯახება, მიწისძვრა, ქარიშხალი, წყალდიდობა, ვულკანის ამოხეთქვა, წყლის გადმოდინება, წყლის გამოჟონვა აპარატებიდან ან მილებიდან.
- ✓ მინა, ფაიფურის, ფაიანსის, მარმარილოს ან სხვა ადვილად მსხვრევადი ნივთები.
- ✓ ნდობით ან კომისიაზე მიღებული საქონელი, დოკუმენტები, მანუსკრიპტები, საქმიანი წიგნები, კომპიუტერული სისტემები, ჩანაწერები, ნახაზები, ფორმები, ყალიბები, გეგმები, დიზაინი, ასაფეთქებლები თუ სპეციალურად არ იქნებიან მითითებული სადაზღვევო პოლისში.

- ✓ სავაჭრო ავტომატები, ბანკომატები, ფულის გადამცემი ავტომატები და მათი შიგთავსი (გარდა პოლისში მითითებული დამატებითი პირობებით გათვალისწინებული დაზღვევისა);
- ✓ კომპიუტერისა და სხვა სახის ანალოგიურ სისტემებში საინფორმაციო საშუალებები (მაგნიტური ბლოკი, მაგნიტური ლენტა, საინფორმაციო ბლოკი და სხვა) და ინფორმაციის სხვა მატარებლები;
- ✓ გადამცემი და გამანაწილებელი ხაზები;
- ✓ ნავთობქიმიური რისკები (ქიმიური და ნავთობგადამამუშავებელი ქარხნები);
- ✓ ატომური რისკები;
- ✓ ცხოველები, მსხვილფეხა რქოსანი, წმინდასისხლის ცხოველები, შინაური ფრინველი;
- ✓ ავტოსატრანსპორტო საშუალებები, ლიცენზირებული საგზაო ტრანსპორტი (თავისი აქსესუარებით), ფურგონი, ტრაილერი, მისაბმელები, რკინიგზის ლოკომოტივები, საწყლო ხომალდები, თვითვმფრინავი, კოსმოსური ხომალდი ან სხვა მსგავსი.
- ✓ გადაზიდვაში მყოფი ქონება, გარდა პოლისით განსაზღვრული დაზღვეული შენობის ფარგლებში გადაზიდვებისა;
- ✓ დანგრევის/აშენების ან მონტაჟის პროცესში მყოფი ქონება ან/და ამასთან დაკავშირებული ნივთები ან მასალები;
- ✓ მიწა (მათ შორის ნიადაგის ზედაპირი, სადრენაჟო არხი, წყლის გამტარი მილი) გზა, ტროტუარი, ბილიკები, ასევე (თუ პოლისით სპეციფიკურად არ არის დაზღვეული)-სარკინიგზო ხაზები, დამბა და რეზერვუარი, არხები, ჭაბურღილი, ჭები, მილსადენები, გვირაბები, ხიდები, დოკები, დამბა, ქვაბულები, ნავმისადგომი, მაღაროები, მიწისქვეშა ქონება;
- ✓ ცოცხალი საქონელი, მარცვლეული კულტურა და ხეები;
- ✓ ქონება, რომელიც დაზიანდა მასზე ზემოქმედების პროცესში (მაგ: სამშენებლო სამუშაოს განხორციელებისას);
- ✓ მანქანა-დანადგარები ინსტალაციის, გადატანის ან გადაადგილების, მოხსნის (დემონტაჟი და მონტაჟი) ან გადაკეთების პროცესში, თუ ეს პროცესი უშუალოდ მოქმედებს მათზე;
- ✓ დასაზღვევი ობიექტი მდებარეობს ხელისუფლების მიერ არაკონტროლირებად ადგილას;
- ✓ თუ შენობა-ნაგებობები და მასში არსებული სხვა ქონება იმყოფება ავარიულ მდგომარეობაში.
- ✓ ე.წ. იტალიურ ეზოში არსებული შენობა-ნაგებობები.

განსაკუთრებული შენიშვნა: წინამდებარე საინფორმაციო ფურცელი წარმოადგენს არაამომწურავ ინფორმაციას დაზღვევის პირობების შესახებ და მომხმარებლისთვის მისი გაცნობა/გადაცემა არ წარმოშობს რაიმე ვალდებულებებს და იგი არ არის დაზღვევის ხელშეკრულების იდენტური იურიდიული ძალის მქონე.

(დამოწმებულია კვალიფიციური ელექტრონული ხელმოწერით)